

替靈集卷之三

序疏跋文

真君科式序

予嘗以為老子之道五千言盡矣後之學者不以未能通觀而盡識也惟漢天師之傳得

其宗迄今一千二百余載馳聲耀齊聞諸四方上而公卿下而氓隸欲壽考康寧者莫不

皈心而稽首今明而為神曰靈濟真人以憑附之賢用宣其靈豈非夙幸得天師所授鈔

乘法何一點之珠光耿耿不滅迴平作字一言一話煥乎其有文章予始聞之若駭且信

且疑一日袖香而來瞻仰祠下載觀所作碑記讚頌仰非世俗語疑乃信獨此書一帙鄉

之士夫歲之甚慎不輕示人予索之久始得之焚香誦之數過其為首義皆本於太上經

典中抽繹出來幽深明溥與道合真諸天隱梵迭奏和鳴濟度之功誓私海岳神機玄妙

或隱或顯是豈淺學近智者所能議哉雖然神而明之存乎真人予累欲序而跋之誠恐

識者有餘食贅行之譏若乎真人之德揭若

日月後必有至人為之序予畧言其大要云正元三十年上元將仕佐郎路學教授歐陽公柱芳跋

真君願序

願者真人之願也亦人之所願也一跪一拜

心之專也心之專善之至也人性之善猶水就下也不善不改是吾憂也吾是憂也此願

所以為善者設是豈徒願文乎哉仰觀於天得數二十五俯法於地得數三十合而言得

數五十五蓋因此數得以成其願若非與天地同功安能至此善人天地之紀也苟有一

毫矯偽慢怠之意非吾之所謂願也其可與善者同日語耶傳曰善無常主協于克一此

無他始於是終於是不以半途而自盡斯為盡善而盡美矣善者福之基福者善之積唐

高郵有言積善以致福不費財以求福福既可以不費財而求則為善者可曰費財乎見

善以相示聞善以相告凡吾同志當以此自相勉勵庶無愧於天地亦無愧於真人此又

真人所大願也

重修靈濟宮疏

按五代史淮南世家齊王徐有子江王饒王即今金闕玉闕二真人也真人素善文詞靈感響應東南之民賴神之庇何止著龜永樂庚寅歲大旱

方岳大臣深以為憂惟真人剋期日降甘澍獨著靈驗達官士庶僉以廟貌傾頽不可不葺於以

恭神靈之景既敬裁短疏遍扣高門椽筆大揮福有攸歸者

伏以素職歸仙千古文章光玉牒駐兵除寇萬年香火奠金齋甘棠追召伯之思芝草毓

祖庭之秀高其門廣其宅依稀綉嶺官前穆如在赫如臨恍惚錦官城外雲霞闕繞玉窓深日月平臨金闕迥善祥所萃長年生意津

津福祿攸降積善公侯袞袞為大方之柱石作避迹之權衡趨吉避凶寶笈瓊書天上闕

彰善輝惡金昆玉季世間遊歲時長是過庭趨霜露却憐仙嶼近

天朝中貴靈方藥餌已先嘗海國居民得兩

枯苗還早熟苔痕又見入簾青草色半侵行
履跡風飄碧瓦補天手重構新苑雨洗頽垣
度地基仍乎舊貫弗克奮無前之勇島嶼成
不世之功如椽大筆不已書之數仞宮牆俄
頃成矣左僂漢右瀨水紫臺咫尺列仙源前

王几後斐蓬文筆高撐牛女宿

一人有慶萬國咸亨謹疏 博陵林漢孟撰

徐仙翰藻跋

君子遭世之理作為文章用奮厥志得以行
其道非幸也宜也世固可以智力而致理欲
志於道者以文章而求効於當世所必齊門
抱璞荆山非不幸也亦宜也夫神之於昏默
香冥之際亦可庸乎文章以驚動於人吁豈
不怪哉徐仙翰藻之集記贊賦頌一編甚巨
斟酌其辭不濫皆矯世激時之論幽明隔涉
而僅有負俗累不能無惑焉愚意是鄉之君
子有志於道而遭夫理之世其道宜行而志
不獲奪故假以文章神其說執筆之頃果無
容力於其間人也神也予不敢知否則河圖
洛書將為羨姒出耳用是得不繫其說而廁

諸公之跋後云

又

神非人不因人非神不成今人神之所交接
一言一語胥文也文其神乎神其人乎河圖
洛書似涉詭異雖羨姒大聖人以此徵而信

即八

四

之千百世而下愚庸之性其有為之疑且惑
乎以神之交讀之考其辭靡不以聖賢之心
為心禮法刑政如視諸掌何乃汲汲焉而為
憂民也深神乎人乎能不為之疑且惑也寄
魚龍而助風雨物情之論蓋亦有矣愚故曰
誠以明之雖存乎神明而誠之亦在乎人苟
一事之莫決一辭之莫措雖欲假其聲於人
吾固不知其可也執筆之頃於予不得以遜
其責使黃鐘大呂之不奏瓦釜爭鳴滂沱皆
是豈不為神之羞耶徐仙翰藻乃神之文集

既感傳於衆予豈得不玉韞而感諸

上靈濟宮勅額文

伏以龍首軒昂鸞峰鍊傑紅塵化錦好布壇
場青布成羅果符識瑞一簇人煙靈會千年
祠宇森嚴綵畫昇新規模壯麗恭惟靈濟真

人神通廣大正直聰明香火與隆事跡靈驗
迩來化筆煥乎其有文章托此寓言勸之必
以禮義碑銘建立功德昭彰昔膺勅額之榮
今拜天封之侈名登仙籍位列仙班褒獎殊
常恩光甚寵茲者伏遇總管相公官高四品

即八

五

福蔭三山有周公事鬼神之能得孔子明郊
社之義考之祀典錫以官名大笔如椽大字
如斗使山川而改觀與日月以爭光里社輝
煌士民歡悅詩曰天封靈濟位真仙福我生
靈感二天榜額輝煌字如斗宮門壯觀萬千
年伏願金榜掛名之後風俗康淳卿閭忠美
士農工商均其福兩賜寒暑協其時歲歲豐
登人人富貴更異王封八字勅額金書香火
萬年年年上祝皇帝萬歲萬歲萬歲

上親睦堂勅額文

伏以教序人倫親睦堂大書榜額字輝煌而
今風俗歸淳化萬古名為積善鄉恭惟靈濟
真君正直聰明雖離在官肅肅在廟森嚴左
右赫赫厥聲濯濯厥靈八字宣封千年聖跡
既新斯手乃建斯堂民具爾瞻貌威而重風

俗之淳自今以始孝悌之心油然而生伏願掛額之後上下和全幼有倫長有序里閭康寧老者安少者懷詩曰天理三綱及五常教民親睦建斯堂爾民報事能如此異日門旌孝第坊

上燕喜堂勅額文

伏以閩宮赫赫有神明左右森嚴綠畫新保彼東方壽而富嘗候燕喜作宮名恭惟靈濟真人清廟肅維神顯相勅額金書八字後宮粉黛三千有翼有嚴隨禱隨應諸福畢至少陳祀事之勤吉夢追隨果獲男兒之額門閭壯麗榜額輝煌伏願掛額之後宜爾子孫載命螽斯之德永錫祚胤安歌既醉之詩詩曰鸞峰踈傑泄英靈青布成羅識可憑孔氏此時親抱送崇高神降果主申

謝兩舟悃

鄉民黃垣等切念夏逢不雨宜穰旱魁以潛消靈降自

天祇伏 真仙而控翹三薰三沐載謝載祈 洵取五月十八日敬發誠心虔邀

道衆拜請

洪恩靈濟真君請蒼龍漱灑擊迎聖水 午時至官安奉送蒙感應西南騰雲未刻下雨是夜開啓道場依科修奉特設龍王淨醮百拜朝天懺

文當夜甘澍祁和至二十日大霽霧泥田疇滿足特伸答謝延奉諸真仍設龍王田祖諸品淨醮闕祝南辰北斗列曜星燈寅修醮禮仰

真君首奉菲儀大伸圓滿設醮謝

恩伏祈景貺惟冀曰暘曰雨協二儀大順之期如茨如梁降百穀用成之瑞重

九重之至德流入八表之有秋懼聲沸擊

壤之歌千惟耦

聖壽享齊天之筭萬萬斯年綏和動植之滋生永樂雍熙之化恆下情無任不勝激切之至敬意

贊靈集卷之三

贊靈集卷之四

詩

上真君 白湖趙迪

方山之陽有古神祠馬世傳以為五代徐知誥弟兄號金闕玉闕二真人

也真人乃神明之胄歿幾五百載矣其神之在天猶不棄於吾民也民之兩賜疾疫咸禱輒應迪不敏欲拜祠下有構焉遂賦步虛辭以獻之

聖人神明胄神恻太羅表絳節凌紫雲翠蓋

連碧條靈景無晦明清虛何皎皎瑞氣玉洞浮靈容絳林表茲晨儼欲臨鸞旌何縹緲務我區中人時為釋紛擾

其二

琳宮何若堯高挹翠微頂英風百代靈神光四時耿儀容更尊嚴廟貌肅路寢碧殿爐烟寒白日棟雲冷甍爾塵俗軀何由達靈景

其三

羽蓋何翩翩靈氛降丹闕縹緲鸞鳳音涼秋散林樾玉津沆沆雲神霄飄緜節羽衣星外